



Ad Halaalã yaa vëenega ti Haraamã me yaa vëenega

Yii a Abu 'Abd Allaah An-nu'maan [b Bašur nengě, (Wënd yard be a yĩnga) a yeelame: m wuma Wënd Tën-tuuma, (Wënd puusg la A tulgr be a yĩnga) t'a yetě: «Ad Halaalã yaa vëenega ti Haraamã me yaa vëenega, la b yiibã suka yel-gěts n be beeně, ti neba wusg ka mi-b ye, la ned ning sën gũusa yel-gěti wã a yulg a dīinã la a burkīndã, la sën lu a yel-gěti wã pugě ad a luu haraamě, a bilgr yaa wala rŭm-kumã sën wãmbd yamd-zabdg kurenga a sã n ka gũusi a na n wãb-a lame, la ad naab fãa tara a yamd-zabdg, la ad Wënd wãmneg zĩig ning sën zabdã, yaa A sën gudg yel ninsã, la ad yĩnga pugě nem-võre n be beeně, a sã n manege, yĩngã fãa manegdame, la a sã n sãame, yĩngã fãa sãamame, ad yě yaa sũurã».

[رواه البخاري ومسلم] [Naşun Şahũhun (Gom-sikdem sën manege)]

Nabiyaamã -Wënd puusg la A tulgr be a yĩnga- vënegdame n wilgdě zeng-raoog sën gũbg yelã pugě, ti la a puuta kōbg a tãab sãri wã pugě: Halaal sën yaa vëenega, la Haraam sën yaa vëenega, la yel-gěds ti b buudã pa vëenega b halaal la b haraam wεengě ye, nebã wusg ka mi b buudã ye. Rënd ned ning sën basa yel-gěds-kãensa a dīina tulgame ne a sën zãag haraamã pugě luusã, t'a burkīndã paam tulgre n yi nebã goamã, ne b sën na n zangd-a a sën tum yel-gědg-kãngã wã. La ned ning sën ka zãaga yel-kãensã rënd a kēesa a menga maa ti yaa haraamã pugě luuse maa ti nebã sën na n paam a burkīndã. La Tën-tuuma -Wënd puusg la A tulgr be a yĩnga- rıka bilgri n vënegd neb nins sën maan yel-gěti wã halhaalã, ti yaa wala rŭm-kum sën gũud a rŭmsi zĩig b sën gudg ti b ra wãbneg noorě, rënd rŭm-kumã rŭmsã yaa bilf bala ti b kě beeně sën pě wã yĩnga, rënd yaa woto bala, la ned sën maan bũmb ning sën tar gětga, a maan-kãngã kitame t'a pënegd haraamã, rënd keta bilf t'a lu a pugě. Rě poor la Nabiyaamã -Wënd puusg la A tulgr be a yĩnga- kō kibare ti yĩngě wã nem-võre n be beeně (yě me la sũurã) yĩnga manegda ne a manegrã, la a sãamd ne a sãangã.

<https://sunnah.global/hadeeth/mos/show/66515>

